

mini nostri JESU Christi objicio inter me & Te & judicium Tuum, aliter Tecum non contendo. Si dixerit, quod merueris damnationem, dic, Mortem Domini nostri JESU Christi objicio inter me & mala merita mea, ipsiusq; dignissima passionis meritum affero pro merito, quod ego habere debuissim, & hei! non habeo. Dicat iterum: Mortem Domini nostri JESU Christi pono inter me & iram Tuam. Deinde dicat ter: In manus Tuas, Domine, commendo spiritum meum (d). Et conventus sui astantes respondeant, In manus Tuas, Domine, commendamus spiritum ejus. Et securus morietur, nec videbit mortem in æternum. Confer jam quæ ex Georgio Fabritio allegat in Homiliis Latinis B. Gerbard. (e) de Præposito Afrano & Doctore Creutzenach. Quò pertinet, quod Martinus Crusius (f) in Cœnobio Rorhaldâ supra ostium templi in parte interiore lapidi incisum exstitisse memorat distichon.

Ex merito Christi tantum salvamur abundè,

Ergò tuis factis ne fidas optime frater.

Unde iterum videmus, quòd pij Veteres & judicij ultimi veritatem, certissimè crediderint, & meritorum suorum quorumcumq; fiducia diffisi fuerint: quò pertinent veteres illi rhythmus ad imaginem Christi crucifixi Mantua in templo Franciscanor. affixi, quos leges apud Nathan. Cbytraum in Itineris extremi Viatico pag. 226, 227. ubi inter alia clamat fidelis anima, Inter oves locum presta & ab bædis (hircis potius olidis) me sequestra statuens me parte dextrâ.

Hæc fini & ego tamquam Christianus doctor Scholasticus (nec puto nec volo me falli hæc persuasione, ita me meus Deus juvet!) anno M DC XLVI, testante Programmte vicesimo; & M DC LIX, centesimo undecimo (de ejus applausu, dum vivo, mihi mecum gaudebo) & M DC LXIV, centesimo octogesimo octavo; & ante biennium

boe

(d) Hisce quoq; verbis usus est beatissimus Vir Martinus Lutherus, ut habetur im Bericht von seinem Christl. Abschied Tom. IIX, Jenens, circa fin. (e) Homil. VI. die Parascev. & homil. II: Domin. XXIV. post Trinit. adde etiam Bakij præfat, part. 2, Explicat. Evangel. Dominical. num, XLI. de Ernesto Archi Episcopo, (f) Annal. Suevic. part. 3, lib. 12, cap. 6.